

摘藻堂四庫全書薈要

集部

欽定四庫全書薈要

集部

御定歷代題畫詩類卷三十八

欽定四庫全書薈要

御定歷代題畫詩類卷三十七目錄

故實類

題歸去來圖

宋黃庭堅二首

題歸去來圖

金劉迎

題淵明歸去來圖

金王若虛五首

題鄒公所藏淵明歸去來圖

金路鐸

歸來圖戲作

金劉迥



歸去來圖

元劉因

歸去來圖

元王恽三首

題歸去來圖

元程鉅夫

歸去來圖

元錢選

歸去來圖

元趙孟頫

題靖節徵士歸來圖

元范梈

陶淵明歸興圖

元揭傒斯

陶淵明歸去來圖

元朱德潤

淵明歸來圖 元尚野

淵明歸來圖 元盧摯

題玉山所藏淵明歸來圖後 元張天英

題海陵石仲銘所藏淵明歸隱圖 明張以寧

題歸去來辭畫 明陳顥四首

題李伯時淵明東籬圖 宋蘇軾

題采菊圖 宋韓駒

采菊圖 宋王十朋

東籬采菊圖

金趙秉文

采菊圖

元元好問二首

采菊圖

元劉因

題淵明對菊圖

明靳貴

淵明采菊圖

明僧清澹

題松下淵明

宋黃庭堅

松下淵明圖

元釋良琦

淵明撫松圖

元陳旅

淵明撫松圖

元楊維禎

淵明五柳圖

明袁敬所

陶元亮五柳圖

明蔣主孝

漉酒圖

金龐鑄

淵明漉酒圖

元王惲六首

淵明漉酒圖

元楊維禎

漉酒圖

明僧妙聲

淵明送酒圖

明張以寧

白衣送酒圖

明周禮

淵明醉圖

明陶安

題淵明圖

明貢奎

淵明臨流賦詩圖

元王惲

淵明高臥圖

元程鉅夫

淵明荷鋤圖

元唐肅

淵明始末圖

元馬祖常

陶潛夏居圖

元王惲三首

題王弘邀淵明圖

明僧妙聲

淵明入社圖

元劉永之

題蘇李合畫淵明濯足圖

金劉從益

三徑圖

元袁桶

題昱師房三笑圖

宋李觀

三笑圖

元王惲

虎谿三笑圖

元成廷珪

虎谿三笑圖

元黃鎮成

題李待詔虎谿三笑圖

元胡長孺

題虎谿三笑圖

元馬臻

虎谿三笑圖

元釋祖柏

題三笑圖

明劉崧

題三笑圖

明王世貞

三笑圖

明僧古春

蓮社圖

金宋九嘉

蓮社圖

元王惲四首

李龍眠蓮社圖

元吳師道

白蓮社圖

明陶安

題李伯時蓮社圖

明李東陽

廬山社圖

明陳繼儒

張師夔畫謝家池塘

元張雨

欽定四庫全書薈要卷一萬九千一百四十五

集部

御定歷代題畫詩類卷三十七

故實類

題歸去來圖

二首

宋 黃庭堅

日日言歸真得歸
迎門兒女笑牽衣
宅邊猶有舊時柳
漫向世人言昨非

人間處處猶崔子
豈忍更令三徑荒
誰與老翁同避世
桃花源裏捕魚郎

題歸去來圖

金劉迎

筆端奇處發天藏，事遠懷人涕泗滂。
餘子風流追魏晉，上人談笑自羲皇。
折腰五斗幾錢直，去國十年三徑荒。
安得一堂重寫照，為公注酒瀉蕉黃。

題淵明歸去來圖

五首

金王若虛

靖節迷途尚爾賒，苦將覺悟向人誇。
此心若識真歸處，豈必田園始是家。

孤雲出岫暮鴻飛，去住悠悠兩不疑。
我自欲歸歸便了。

何須更說世相遺

拋却微官百自由應無一事掛心頭
銷憂更藉琴書力
借問先生有底憂

得時草木竟欣榮
頗為行休惜此生
乘化樂天知浪語
看君於世未忘情

名利醉心濃似酒
貪夫衮衮死紅塵
折腰不樂翻然去
此老猶為千載人

題鄒公所藏淵明歸去來圖

金

路鐸

牛刀小試義熙前一日懷歸豈偶然有意候君門外柳
無機還我酒中天貞姿佳菊秋霜裏真意南山夕鳥遶
善學展禽惟此老萬人海裏小斜川

歸來圖戲作

金劉迥

雲髻春風一尺高笑攜兒女候歸橈情知一首閒情賦
合為微官懶折腰

歸去來圖

元劉因

淵明豪氣昔未除翺翔八表凌天衢歸來荒徑手自鉏

草中恐生劉寄奴中年欲與夷皓俱晚節樂地歸唐虞
平生磊磊一物無停雲懷人早所圖有酒今與龐通沽
眼中之人不可呼哀歌撫卷聲嗚嗚

歸去來圖 三首

元 王 惲

長沙勲業武侯忠劉宋規模操懿雄虐燄儘烘寰宇裂
五株楊柳自春風

彭澤遺黎不幸何斜川魚鳥共婆娑先生踐迹高千古
不似終南捷徑多

解紱歸來百日強東籬松菊未全荒細觀歷贊高賢傳
一出頭來恨已長

題歸去來圖

元程鉅夫

春晴苦旱心如醉暑雨妨農鬢欲斑眼底家山歸去好
吾生端的幾時閒

歸去來圖

元錢選

衡門植五柳東籬采叢菊長嘯有餘清無奈酒不足當
世宜沈酣作邑召侮辱乘興賦歸與千載一辭獨

歸去來圖

元 趙孟頫

生世各有時出處非偶然淵明賦歸來佳處未易言後人多慕之效顰惑媿妍終然不能去俯仰塵埃間斯人真有道名與日月懸青松卓然操黃華霜中鮮棄官亦易耳忍窮北牕眠撫卷常三歎世久無此賢

題靖節徵士歸來圖

元 范梈

維公楚杞梓作令晉衣冠得志但恐暮濟時非所難古今絃韻寡歲月酒杯寬渺渺山中去深深畫裏看

陶淵明歸興圖

元 揭傒斯

家貧無酒飲聊欲試絃歌去家百餘里邈若異山河江
上日多風浩浩水增波門前五柳樹繁蔭空婆娑秣田
已收成歸計當如何

陶淵明歸去來圖

元 朱德潤

甲子題年玩物華門前栗里自桑麻從他晉史書劉宋
別有黃花處士家

淵明歸來圖

元 尚 野

羲皇上人鄉里兒田園將蕪非所思楚聲雖託絕怨懟
高情千古歸來辭歸來忽復山河移忠憤意切語益微
白雲遙遙望不極東籬舊菊西山微夷齊奚疑怨邪非
況乃貌此遺世姿文行圭璧照方冊飄然髣髴生同時
子雲擬聖諸儒譏法言美新吾誰欺考亭夫子春秋筆
昭然榛莽日星垂

淵明歸來圖

元
盧 摯

留侯晚歲遊赤松武侯早歲稱臥龍亡秦扶漢聲隆隆

淵明初非避俗翁兩侯大節將無同陽秋特書晉甲子
辭鋒時露長沙雄王弘何幸奉吾足督郵能芥平生胸
門前五柳春濛濛落絮不與江波東環堵蕭然吾未窮
北牕儘有羲皇風畫圖不盡千古意詩成一笑浮雲空

題玉山所藏淵明歸來圖後

元張天英

陶令昔去官當世豈知賢杖藜柴桑里汎舟卽斜川春
風五柳陰秋日秫盈田歲釀杯中物佳辰奉賓筵觴來
各有趣斟酌罄交歡為生豈易了藉此一欣然吐哉羲

皇人既遠身名全

題海陵石仲銘所藏淵明歸隱圖

明
張以寧

昔無劉豫州隆中老諸葛所以陶彭澤歸興不可遏凌
煙讌功臣旌旗蔽轡轡一壺從杖藜獨視天下闊風吹
黃金花南山在我闥蕭條蓬門秋穉子侯明發豈知英
雄人有志不得豁高詠荆軻篇竦然動毛髮

題歸去來辭畫

四首

明
陳顥

微風自東來地脈初回陽好鳥出幽谷潛魚躍芳塘欣
欣木向榮涓涓水流香萬物俱得時吾憂亦已忘歸來
衡門下且復酣杯觴

人生非金石寓形宇宙間抱才既沾祿知休即辭官委
心隨去留避俗謝往還皇皇欲何之富貴不可干劃然
發長嘯白雲起南山

農事在東臯孤往適茲旦微雨亦既零土膏濕凝汗僮
奴未盡力宿草猶餘蔓植杖隴畝傍耘耔日過旰勞生

雖多難卒歲應飽飯

帝鄉不可期歸老全此身清風謝流俗高節抗浮雲舒
嘯登東臯賦詩臨澗濱有酒輒取醉不負頭上巾樂天
以乘化超然真達人

題李伯時淵明東籬圖

宋蘇軾

彼哉嵇阮曹終以明自膏靖節固昭曠歸來侶蓬蒿新
霜著疎柳大風起江濤東籬理黃華意不在芳醪白衣
挈壺至徑醉還遊遨悠然見南山意與秋氣高

題采菊圖

有序

宋韓駒

往在京口為曾公卷題采菊圖九日東籬采落英白
衣遙見眼能明向令自有杯中物一段風流可得成
蔡天啟屢哦此詩以為善然余嘗謂古人寄懷於物
而無所好然後為達沉淵明之真其於黃花直寓意
耳至若飲酒適意亦非淵明極致向使無酒但悠然
見南山其樂多矣遇酒輒醉醉醒之後豈知有江州
太守哉當以此論淵明復作一首

黃菊有何好且寄平生懷遇酒興不淺無酒意亦佳此
理誰復明自昔寡所諧空餘采菊圖寂寞懸高齋

采菊圖

宋
王十朋

淵明恥折腰慨然詠式微閒居愛重九采菊來白衣南
山忽在眼倦鳥亦知歸至今東籬花清如首陽薇

東籬采菊圖

金
趙秉文

淵明初亦仕迹留心已遠雅志懷林淵高情邈雲漢妖
狐伺晝昏獨鶴警夜半平生忠義心同作松菊伴東籬

把一枝意豈在酒醺不見白衣來目送南山雁淡然忘
言說聊付一笑粲

采菊圖 二首

元 元好問

信口成篇底用才淵明此意亦悠哉枉教詩景分留在
百繞斜川覓不來

夢裏烟霞卜四鄰爭教晚節傍風塵詩成應被南山笑
誰是東籬采菊人

采菊圖

元 劉因

天門折翼不再舉袖手四海橫流前長星飲汝一杯酒
留我萬古羲皇天廟堂衮衮宋元勲爭信東籬有晉臣
南山果識悠然處不惜寒香持贈君

題淵明對菊圖

明
靳貴

栗里風光別後詩清樽獨詠晚香時折腰欲問歸來意
只許東籬老菊知

淵明采菊圖

明
僧清澹

泛觴黃菊終非鴆在眼青山殊有情好是晉家天地濶

此時何處著先生

題松下淵明

宋黃庭堅

南渡誠草草長沙想艱難松風自度曲我琴不須彈
遠公香火社遺民文字禪雖非老翁事幽尚亦可觀客來
欲闕說觴至不得言

松下淵明圖

元釋良琦

謝安却為蒼生起陶令何辭印綬迴若使生逢聖明世
青松老盡不歸來

淵明撫松圖

元陳旅

原野涼風至草樹日蕭條杖筇來故丘青松在東臯孤
陰近衡宇薄日暎層標念此有貞操撫之以逍遙

淵明撫松圖

元楊維禎

孤松手自植保此貞且固微微歲寒心孰樂我遲莫留
侯報韓仇還尋赤松去後生同一心成敗顧隨遇歸來
撫孤松猶是晉時樹

淵明五柳圖

明袁敬所

藜杖芒屨白布裘山中甲子自春秋呼兒點檢門前柳
莫遣飛花過石頭

陶元亮五柳圖

明
蔣主孝

所事既非主不歸將若何門前五株柳空惹北風多

漉酒圖

金
龐鑄

我愛陶淵明愛酒不愛官彈琴但寓意把酒聊開顏自
得酒中趣豈問頭上冠誰作漉酒圖清風起毫端露電
出形似神情想高閒大似揮絃時目送飛鴻難袖中有

東籬開卷見南山嗟予困塵土青鬢時一斑折腰尚未
免敢謂善閉闕望望孤雲翔羨羨飛鳥還歸田未有日
掩卷空長歎

淵明漉酒圖

元王惲

晉人尚放曠不受羈與束虛高失之傲降志到自辱淵
明性真率順適無矯慙清風凜一時千古仰高躅得錢
送酒家況我新釀熟渴來夢吞江奚計巾一幅有糟不
待壓露頂手自漉清濁即聖賢併欲貯吾腹悠然對南

山夕鳥送以目還我浩浩天世運任伸縮冷然風度林
澹若雲在谷俯仰霄壤間出處一往復過此設有論正
為蛇畫足宛轉出新意便可激流俗不思義上人方寸
許撐觸欲求先生心用意不當曲縱使欲自況此老鳥
可贖吾言誠謾與得酒且兀兀

淵明漉酒圖

五首

元王惲

牀頭新釀漉來空清濁君看固不同門外徵車揮已去
秋香籬落醉西風

紛紛葛屨雜華纓何物衣冠可重輕莫若脫來還漉酒
一杯時復聖之清

秣田一粒不霑脣長恐春醵負此巾儘著輕紗渾濕却
猶勝憔悴染京塵

停雲時鳥日從容長在先生醉眼中劉宋禪來非一事
五株楊柳自春風

蒲輪遠聘亦濃恩處士雖微實晉臣常愛紫陽書法當
不教輕染寄奴塵

淵明漉酒圖

元 楊維禎

義熙老人羲上人一生嗜酒見天真山中今日新酒熟
漉酒不知頭上巾酒醒亂髮吹騷屑架上烏紗洗糟蘖
客來忽怪頭不冠巾冠豈為我輩設故人設具在道南
老人一笑猩猩貪東林法師非酒社攢眉入社吾何堪
家貧不食檀公肉肯食劉家天子祿頽然徑醉臥坦腹
笑爾阿弘來奉足

漉酒圖

明 僧妙聲

棄官賦歸來田家酒初熟脫我頭上巾漉此杯中綠獨
漉復獨漉漉多酒還濁酒濁猶自可世濁多反覆桑枯
柳亦衰但有松與菊田父晚相過相與話墟曲共醉茅
簷下此生亦以足

淵明送酒圖

明
張以寧

五柳門前柳葉衰南山佳氣滿東籬白衣人到黃花外
正是先生送酒時

白衣送酒圖

明
周禮

分田種秫釀新篘祇為無心見督郵若使白衣人不見
黃花孤負一年秋

淵明醉圖

明
陶安

何勞一縣惱閒情五柳柴桑老此生每向黃花作沈酒
寄奴已據石頭城

題淵明圖

元
貢奎

若士超世流高風凌飛仙睠懷經濟術嗜酒豈自然去
之千歲間才賢孰相先畏途轍皇皇歸歟袖翩翩日暮

孤雲飛黃花澹秋妍坐憐王弘輩矯首南山巔

淵明臨流賦詩圖

元王暉

秋水門前有令姿先生非是好吟詩因觀逝者如斯說
天運何嘗有息時

淵明高臥圖

元程鉅夫

手撫高松石更奇披襟脫屣醉眠時壺中酒盡琴無軫
說著羲皇總不知

淵明荷鋤圖

元唐肅

荒徑日自理手中三尺鋤何當去非種得似漢朱虛

淵明始末圖

元馬祖常

畫史謝文字託意有粉繪高人蹈古道終造玄澹會涉
世情豈真采菊心若寄持酒每自慰翁也得奇計載觀
始末圖悠悠似相契

陶潛夏居圖

徽宗筆杜
亨甫家藏

三首

元王恽

襟懷嘯傲羲皇上晉宋興亡筆削中千古此心誰會得
颯然時有北窗風

吾廬瀟灑風煙外詩思扶疎樹影中
典午廢來何所事
門前五柳自清風

庭樹交柯綠蔭濃欣然忘却草堂空
更憐彼稷懷新處
漠漠平疇遞遠風

題王弘邀淵明圖

明僧妙聲

江州刺史何為者載酒邀我廬山下
乃翁在山不在酒
邂逅寧辭為君寫遠公招之不肯留
平生誰省王江州
門前五柳至今在江邊桑樹水空流

淵明入社圖

元 劉永之

空山樓觀遠蒼蒼
路出深溪石磴長
近瀑飛雲經樹濕
穿花流水過橋香
高僧喜識桃榔杖
穉子歡迎薜荔裳
入社幾時還
入社松陰十里到柴桑

題蘇李合畫淵明濯足圖

金 劉從益

天機本自足人事
或相須東坡畫三昧
迺與龍眠俱黃州
富丘壑餘杭渺江湖
已困口嘲弄更堪手糊塗
其來本遊戲所到非功夫
平生斜川翁尚友千載餘
可聞不

可見風標定何如笑倩李居士為予巧形模臨流想有
詩滄浪元非漁不入聲利場政恐吾足汙二公有深意
百年留此圖不著色塵相澹然如遊天地初主人牢緘
滕丹青有渝此不渝

三徑圖

元
袁
楠

遶舍山青流水新春風吹水綠勻勻意行已復支筇去
從此何須問主人

題昱師房三笑圖

宋
李
觀

高僧不出院屏畫三笑圖客子倦游者欲去復踟躕古
人骨朽不可追今人相見如古時人間觸事入吾笑何
必門前有虎谿

三笑圖

元
王 惲

元聖開天一理融推心不外善為宗後人剛作無同論
三子相逢笑殺儂

虎谿三笑圖

元
成 廷珪

三老風流笑口開山中猿鶴亦驚猜攢眉入社謾多事

送客過溪能幾迴僧影欲隨秋水去虎聲偏傍石橋來
東林絕響今千載撫卷題詩媿乏材

虎溪三笑圖

元黃鎮成

栗里先生不鼓琴偶邀明月到東林白雲滿地蒼苔濕
流水一山春雨深歸路已忘言外意過橋誰識笑時心
人間俯仰成陳迹傳得高風說到今

題李待詔虎溪三笑圖

元胡長孺

元亮纘孔業修靜研聃玄遠公學瞿曇高居著幽禪人

異道豈殊萬散一固全目擊輒有得參會各覲然胡為老
緇褐笑舞喜欲顛謾道遺其身襟袖猶褊褊彼酣適酒
趣尚不醒者傳族史浪自苦窺管恃知天

題虎溪三笑圖

元馬臻

無生一曲無人和石池水滿蓮花大揚睂瞬目喜津津
不覺回頭虎溪過咄哉三士皆人豪醉醒不理柴桑陶
傍人若問笑何事向渠指點廬山高

虎溪三笑圖

元釋祖柏

境緣心妄起心悟境自忘三老同一笑物我兩茫茫月
照清溪水風散白蓮香無端一笑已千古笑何長

題三笑圖

明
劉 崧

三人同笑不同心墨本流傳漫至今何似青蓮李居士
猿啼月出過東林

題三笑圖

有序

明
王世貞

蘇子瞻題三笑圖不言為何人後人引以為虎溪故
事而謂為陶靖節遠公陸修靜者或是宋元嘉初陸

修靜非梁普通中陸修靜也吾嘗游東林寺其前一小溝潺潺流一石橋踞界之僧指以為虎溪然太近恐非故虎溪也其面為香鑪峰蒼翠拂天此畫景不甚似而人頗古雅戲題一詩

遠公白蓮社鬱若人天師破戒飲陶令違誓過虎溪遠方一大笑陶意竟攢眉乃知病維摩不受彌勒窺何物陸道士千載亦傳疑

三笑圖

明僧古春

天子臨潯陽遠公不出山胡為遇陶陸過溪開笑顏匡
廬高九疊峻絕不可攀畫圖寫遺像清風滿塵寰

蓮社圖

金
宋九嘉

野鷺家雞俗好乖虎谿泉石滿塵埃壯哉砥柱頽波裏
惟有淵明挽不來

蓮社圖

元
王惲

人間廬阜東南勝兩晉名流最賞音阿麟因之出新意
秋香和月寫東林

蓮社圖 三首

元 王 惲

莫怪淵明從遠公，鬢絲禪榻偶相同。
談空說有知多少，都在龍眠意匠中。

二教玄風盛永嘉，後來諸子更紛拏。
淵明興在東籬菊，獨泛秋香亦自佳。

一誕相誇陷樂郊，流傳江左到滔滔。
杖藜首見淵明去，畫裏龍眠意最高。

李龍眠蓮社圖

元 吳師道

遠公廬山下手種玉色蓮清脩香火社雜還山林賢龍
眠弄筆墨貌出晉宋前橫橋虎溪水古木東林烟鬚眉
策遺老瓶罄跌枯禪石壇花雨落稽首西方仙休吟散
梵帙風鑪薦寒泉矯矯靖節翁歸心赴斜川分手溪上
笑攢眉社中緣淋漓酒巾籃輿揺醉眠止飲諒匪難
恥受異教牽空山舊行跡寂寞餘千年竟令妄庸兒懾
誘紛相傳陶翁我尚友掩卷心茫然

白蓮社圖

明
陶 安

儒墨殊科混雜居忘形擬作虎溪漁花開冰雪暑不到
月在漣漪天自如座有名賢仍嗜酒門無時貴暫停車
東林此會何瀟灑可是丹青得緒餘

題李伯時蓮社圖

明
李東陽

誰寫廬山十八賢白頭居士老龍眠藥囊經卷隨行杖
知在香鑪瀑布前

廬山社圖

明
陳繼儒

吾聞謝東山出入每扶掖四人挈衣裾三人捉坐席整

騎廬山前遠公顧不憚何如籃輿翁肩頂風策策

張師夔畫謝家池塘

元張雨

春風颯然至幽人午夢醒遙見池塘綠不知春草生如
何騎馬客亦作夢中行

御定歷代題畫詩類卷三十七

欽定四庫全書薈要

御定歷代題畫詩類卷三十八目錄

故實類

題陶弘景移居圖 元楊維禎

挂書牛角圖 元劉因

李密逐太宗圖 宋劉子翬

跋秦王擒竇建德圖 元王惲

題韓晃畫瀛州學士圖 宋韓駒

題欽廟主器時所作登瀛圖 宋陳造

題十八學士登瀛洲圖 元吳澄

題唐十八學士圖 元馬臻

登瀛洲圖 明陶安

題十八學士春宴圖 明王世貞

十八學士碁圖 明陳全

十八學士登瀛洲圖 明陳霖

蜀府命題所藏唐十八學士瀛洲圖 明僧來復

馬周見太宗圖

明高啟

蕭御史取襖帖圖

元程鉅夫

題蕭翼賺蘭亭圖

明桂衡

觀開元皇帝東封圖

唐馬戴

唐玄宗與諸王講易圖

元唐肅

花萼樓宴集圖

元虞集

五王避暑圖

元程鉅夫

五王避暑圖

元王惲

韓幹五王出遊

元袁桷

唐五王出遊圖

元虞集

唐五王擊球圖

元張憲

五王擊球圖

明蔣主孝

題五王對奕圖

元張天英

五王行春圖

元張昱

題五王醉歸圖

元周馳

任月山五王醉歸圖

明程敏政

題五王夜燕圖

明唐寅

張東叔出紫雲回鑾圖以示坐客因為賦之

宋孔

武仲

九齡忠諫圖

元王惲

題唐三學士圍棋

元李祈

唐三學士圖

元錢選

唐三學士圖

明王禕

題花門將軍游宴圖

明宋濂

龍眠十八賢圖

元馬祖常

慧元畫寒林七賢

宋樓鑰

寒林七賢

金周昂

七賢寒林圖

元元好問

雪中行吟七賢圖

元程鉅夫

錢舜舉寒林七賢圖

明高得暘

欽定四庫全書薈要卷一萬九千一百四十六

集部

御定歷代題畫詩類卷三十八

故實類

題陶弘景移居圖

元 楊維禎

大奴擔簦挈壺飧小奴籠雞約孤狔雪斑鹿前雙婉孌
水雲牯背三溫磨中有玉立而長身幅巾野服為何人
云是永明之隱君身有黑子七星文自從夜讀葛洪傳
便覺白日生青雲解冠徑挂神武門蜜蠶尚拜君王恩

句容洞天元第八茅家兄弟遯秦臘飛宮上接十二樓
下聽華陽海聲狹三朝人物半凋零水丑木中文已成
金牛脫絡誰得簪枯龜受灼寧生靈金沙丹飯飢可餉
山中猶嫌呼宰相從此移家金積東滿谷桃花隔秦壤
畫工何處訪仙蹤修睂明目射方瞳可無雞犬逐牛豕
栗橘葛樞皆家僮鐵崖浮家妻子從名山亦欲尋赤松
華陽禮郎或相逢清風喚起十八公乞以玉笙雙鳳吹
雌雄

挂書牛角圖

元劉因

長安江都搏手空台司光祿誰雌雄大事既去乃爾耳
渠頭不斫將安容喑鳴千年楚重瞳將軍視之猶楚公
挂書牛角亦偶爾史臣比擬良未同青青澤中蒲秀色
自凌空可憐徐包徒學術皆凡庸君不見羣兒驅羊竟
何功晉陽桃李亦秋風縑山圖畫有如此何如長作多
牛翁

李密逐太宗圖

宋劉子翬

海內羣雄逐鹿時
虬髯一見識英姿
牖窺已歎尚書婦
野拜仍驚柱國兒

跋秦王擒竇建德圖

元王惲

天命人心已有歸
怒麤抗嶽欲奚為
自將五載飛揚舉
辦作秦王破陣辭

題韓晁畫瀛洲學士圖

宋韓駒

咸陽中天開帝居
羣公下直承明廬
長鞦短轡褒衣裾
蒼頭廬兒爭走趨
韓侯畫此時無虞
瀛洲仙人樂有餘

我生不及貞觀初，忽思十年身校書。
吟詩天街騎蹇驢，爾來戎馬方馳驅。
眼厭繡掘蒙諸子，把卷未展先欷歔。
題欽廟主器時所作登瀛圖

宋陳造

唐家大府開天策，祖廟工歌登七德。
偽王連組紆頸歸，山東羞死虬鬚客。
文儒濟濟陪英遊，海內共指登瀛洲。
未妨濫吹一延族，中有謀斷皋伊流。
崇寧聖人撫鴻業，黃頭遺種初萌蘖。
青宮進講多暇日，睿情遠覽思才傑。
水墨落紙分毫釐，心融筆忘天運機。
鸞翔鵠峙儼

原本闕二

字

更用褚亮摛辭為天翻地覆人得知神京北風吹阜
旗空令便橋乞盟未央酒盛事拂膺貞觀時天家所寶
君家得拜手披圖悼令昔鼎湖龍去餘弓劍上林鴈來
斷消息暮年筆力猶枝梧慣題七騎陰山圖為君斲句
偕畫往貸我老淚淋衣裾

題十八學士登瀛洲圖

元 吳澄

秦府開基萃勝流一時傾慕比瀛洲瀛洲渺渺在何許
我欲乘桴海上浮

題唐十八學士圖

元馬臻

唐家天子尊黃屋大業隆興調玉燭當年十八登瀛仙
弘文日侍分三六兩京初定四海清君聖臣賢古難續
立本圖真亮為讚遂令書府藏諸櫝後有龍眠傳此本
禮樂衣冠激流俗自從淪落向人間畫手紛紛互翻覆
千年事去君莫問留得青編遣人讀蕭蕭馬耳射東風
長安道上春山綠

登瀛洲圖

明陶安

天策英才聚一堂簾櫳清晝海波涼神仙宮闕金銀色
朝士衣冠雨露香飄逸詞情超世出聯翩翠羽拂雲翔
當時下土瞻麟鳳弱水蓬萊隔仞牆

題十八學士春宴圖

明

王世貞

梁園碧筠瀟湘玉小山叢枝綴金粟天公驅龍耨秦土
移入秦王天策府虬髯主人馬上客手捫中原血華赤
芸氛霏霏講初罷獅子驄頭散鞭咤軟羅半臂春風偏
十八奚駒嘶紫煙玉酥宮痕纖月甲銀甕戈書小黃押

大槽亂拍真珠流葡萄就煖沈香蚪琵琶掩魂鷄雞促
聲聲破陣秦王曲義輪半春啟明曜萊公起舞密公笑
就中小薛醉隗俄龍門老師奈若何太子宫前演雞戟
銅馬時時齧荊棘諸君詰朝且虛左雋州流人來上座
漢陵無樹不宜秋

十八學士碁圖

明
陳全

唐家樓閣儼瀛洲簪珮聯翩結勝遊山水蒼茫圖畫裏

十八學士登瀛洲圖

明
陳霽

龍姿日表真神武躍馬揮戈靖寰宇弘文高館羅豪英
羣賢入彀如登瀛千年盛事今如在正素幻出風流情
玉堂岑邃三山小閣道紆迴鳳池香鈴索簷前雲欲飛
采愚戶外花常繞碧房繡檻紫烟叢金堤寶馬垂楊裏
房公杜公意氣雄乾坤闔闢游胸中褚子蘇薛多文采
姚顏孔蓋經傳功虞陸二李才華豐蔡薛蘇許詩詞工
袞衣博帶紛肆筵烏紗羽扇臨風前彈碁展翰相留連
興來或作南薰絃清姿逸韻何翩翩寧論海外多神仙

我憐此畫工還拙心事丹青詎能說羣賢得志爭奮庸
親為唐家扶日月獨有敬宗終謬劣中葉幾使唐宗絕
嗟哉秦王樂士心斯館不為斯人設

蜀府命題所藏唐十八學士瀛洲圖

明

僧來復

十八學士瀛洲仙文彩照世皆貂蟬廟堂論道豁胸臆
作藩開闢神堯天烈烈房與杜樹葉光聯翩雅愛虞永
興健筆鐵可穿褚公姚公才湧泉早以儒術窮磨鐫二

蘇二薛何挺特王門獻納相後先主簿倉曹亦英俊天
策從事尤魁然太學先生美雙壁參軍襟度冰雪妍宋
州戶曹最清簡一時風雅同高騫朝談黃石略暮校白
雲篇所思在經濟末藝焉足傳方今化雨清八埏西堂
進講羅羣賢搜材直欲盡巖穴拔擢遠邁貞觀前畫師
殊有意模寫精丹鉛却令千載後名高日月懸丈夫宏
達當如此誰能齷齪困一羶我願河清海晏三千年聖
人端拱開文淵還期比屋可封俗淳古不獨圖像誇凌

煙

馬周見太宗圖

明
高啓

封事朝聞夕拜官
新豐無復客衣寒
書生未有鳶肩相
只說君臣際會難

蕭御史取襖帖圖

元
程鉅夫

襖帖屋梁上
世人那得知
不關蕭翼黠
自是老僧癡

題蕭翼賺蘭亭圖

明
桂衡

使星東犯斗
牛來猿鳥忘機
豈見猜莫笑
老僧藏不得

昭陵玉匣有時開

觀開元皇帝東封圖

唐馬戴

儼若翠華舉登封圖乍開冕旒明主立冠劒侍臣陪跡
類飛仙去光同拜日來粉痕疑檢玉黛色訝生苔挂壁
雲將起凌風仗若迴何年復東幸魯叟望悠哉

唐玄宗與諸王講易圖

元唐肅

金盤未浴兒花奴未撾鼓七寶牀中一卷書不是梨園
新樂譜岐王薛王何足數寧把君王悟君父不聞龍馬

負圖來但驚野鹿銜花去

華萼樓晏集圖

元 虞 集

華萼樓前翠輦來
寧王吹笛百花開
夾城誰敢爭馳道
獨對霓裳進玉杯

五王避暑圖

元 程鉅夫

淮南恩少難為弟
有庫天回始念兄
得似開元全盛日
一樓華萼友于情

五王避暑圖

元 王 恽

翠幄留香郁棣華紅雲縈暖鵲鴿沙豆萁不免陳思歎
朱李寒泉是浪誇

韓幹五王出遊

元
表
楠

華萼樓高怯翠衾平明聯騎走芳林讓王可是無忠益
一曲涼州恨最深

唐五王出遊圖

元
虞
集

華萼樓前御柳長春風馳道曉塵香龍姿鳳質多相似
黃髮為期樂未央

唐五王擊球圖

元張憲

興慶宮前春正熱
綠楊夾道花如雪
毬門風起日西斜
五馬歸來汗成血
潞州別駕醉眼纈
雙袖傾敔擁岐薛
申王按鞚宋王馳
杖撲毬囊手親拏
草平如掌馬力均
玉鞭十里不動塵
黃門扶入五花帳
大衾長枕姁家人
華萼相輝雨氣寒
樓中歌管漸闌殘
紫駟不蹋毬場路
萬里青驄蜀道難

五王擊毬圖

明蔣主孝

球門高結春如海紫袖垂垂剪雙綵薛王力倦宋王來
興慶宮前花正開侍兒弄笛申王醉更有岐王擁花睡
春風不動草如鋪兄弟怡怡入畫圖黃門擁入五花帳
官奴漫鼓花奴唱博山火熱水沈香富貴從來自天降
遲遲春日下龍樓華萼聯輝雨氣浮大被漸寒歌管歇
三郎別領阿環遊

題五王對奕圖

元張天英

千官朝退下昭陽華萼樓高碧樹香一擲乾坤呼五白

玉人催進紫霞觴

五王行春圖

元張昱

開元天子達四聰羽旄管籥行相從當時從駕驪山者
宰相猶是璟與崇華萼樓中雲氣裏兄弟同眠復同起
玉環一旦入深宮大枕長衾冷如水興慶池頭花樹邊
梨園小部俱嬋娟楊家姊妹夜遊處銀燭萬條生紫煙
寧知樂極哀方始羯鼓未終鼙鼓起褒斜西幸雨淋鈴
回首長安幾千里

題五王醉歸圖

元周馳

晉陽首事成功烈卒入宮門流戰血至親骨肉恐相殘
禍至黃臺那可說讓帝知幾辭寶位履霜已戒堅冰至
華萼相輝勢使然遂許明皇敦友弟當時行樂殊未央
賜子無節恩非常出則同遊入同宴五龍躑躅騰康莊
時光鼎鼎如流電虛偽既消誠實見三子無辜死渭橋
太真有寵來金殿欲心一縱禍滔天社稷生靈不暇憐
從此陵夷於五代干戈喪亂禍年年

任月山五王醉歸圖

明

程敏政

何處離宮春宴罷五馬如龍自天下錦韉蹀躞搖東風
不用金吾候隨駕綵策烏騅衣柘黃顏頰不奈流霞漿
手戮淫昏作天子三郎舊是臨淄王大醉不醒危欲墮
雙擁官奴却鞍座宋王開國長且賢誰敢尊前督觴過
申王伏馬思吐茵絲韁側控勞奚人可憐身與馬鬪力
天街一餉流香塵岐王薛王年尚少酒力禁持美風調
前趨後擁奉諸兄臨風髣髴聞呼召夜漏歸時嚴禁垣

華萼樓中金炬繁大衾長枕已預設帝家手足稱開元
我聞逸樂闕成敗狗馬沈酣示明戒二公作誥五子歌
此意當時可誰解仙李枝空人不還王孫一日開真顏
鵲原終古存風教珍重丹青任月山

題五王夜燕圖

明唐寅

積善坊中五王宅重樓複閣輝金碧大衾長枕共春秋
鬪雞走狗連朝夕華萼樓前夜開宴沈水凝煙燈吐燄
列坐申王與薛岐讓皇降席同南面昆侖琵琶涼州歌

當時進御雜雲和宮聲不屬商聲暴琵琶聲起少琶聲多
獨有汝陽知律呂曾把流離諫明主他日回鑾蜀道中
不教審聽鈴淋雨

張東叔出紫雲回鑾圖以示坐客因為賦之

宋
孔武仲

開元太平無兵戎真人味道希夷中人間之樂已饒足
惟有青霄未追逐坐中誰似葉先生以氣為糧常辟穀
朝登員嶠夕崑崙只與神遊不要人忽逢邀攜看月去

縹緲虛空生紫雲
蟾宮竟不容久住
仙樂飄飄送回去
歸來宮漏未移更
甲帳明釭宛如故
汾水悲歌仙不成
梨園空沒有遺聲
紅塵如海漲朝市
從此無人遊玉京

九齡忠諫圖

元王惲

挺笏推姦論已萌
帝心唯恐悞忠貞
開元所事

原本闕二字

足只欠成都萬里行

題唐三學士圍棋

元李祈

唐朝內相極清華
出入黃扉掌白麻
承詔歸來無一事

閒尋棋局到昏鴉

唐三學士圖

元錢選

唐三學士粲三英挺挺人才藝術精無事圍棋春晝永
至今畫筆尚傳名

唐三學士圖

明王禕

衣冠相肖不相侔棋局琴牀樂勝遊想像開元全盛日
太平人物總風流

題花門將軍游宴圖

明宋濂

花門將軍七尺長廣顙穹鼻卷髮蒼身騎叱撥紫電光
射獵娑陵古塞傍一箭正中雙白狼勇氣百倍世莫當
朔方七月夜雨霜寒沙莽莽障日黃先零匈奴古黠羌
控弦鳴鏑時跳踉將軍怒甚烈火揚寶刀雙環新出房
麾却何翅驅牛羊平居不怯北風涼白氊為幄界翠行
銅龍壓脊雙角張絲繩亘空若虹翔將軍中坐據牙牀
熾炭炙肉泣流漿革囊捫酒葡萄香駝蹄斜割勸客嘗
趙女如花二八強皮帽新裁繫錦纓低把琵琶彈鳳凰

半酣出視駝馬場五花作隊滿澗岡但道驩樂殊未央

龍眠十八賢圖

元馬祖常

林下石牀方溪邊竹影涼高人千載意山水寄餘光

慧元畫寒林七賢

有序

宋樓鑰

舊有唐人出游圖謂宋之問王維李白高適史白岑
參六人多畫七賢不知第七人為誰或云是潘逍遙
然未見據病起坐玫瑰齋元公忽作寒林七賢相寄
余方夢寐故山見之灑然戲作數語謝之

羣賢俱詩豪時代不同處安得寒林中聯鑣睇相語誰
歟創妙意臭味無今古吾聞顧陸輩寓意或如許桃李
並芙蓉雪中蕉葉吐元師師老融淡墨埽風雨作此寄
攻媿寓興渺煙渚舊六今則七未知果誰與我欲從之
游詎敢側儔侶畫我往執鞭欣為李君御

寒林七賢

金周昂

苦寒如此欲何之雪帽風裘意自奇縱有清詩三百首
未應肯得覓家兒

七賢寒林圖

元 元好問

萬古騷人有賞音畫家滿意與幽尋
題詩記得松前事絕似馮雷入少林

雪中行吟七賢圖

元 程鉅夫

長庚自是謫仙人子美逢時稷卨臣
風雪茫茫五君子凍吟猶得望清塵

錢舜舉寒林七賢圖


明 高得暘

騷壇逸響何寥寥作者逝矣誰能招
詵然七子美風度

乃有遺像圖生綃衣冠半帶晉秀氣人物絕是唐中朝
想當朝事得休暇擬采野景歸風謠青驪黃犢踏凍雨
蹇驢瘦馬衝寒飈醉鞭笑停似按轡吟鐙戲拍摧聯鑣
看花多情且少待尋梅有興非無聊此圖我嘗見十數
高林大樹風蕭蕭埽除間冗存簡素吳興筆老才尤超
方之粉墨巧塗染奚止天地相懸遼尚疑高李六君子
當時未見潘逍遙道同氣合志相感雖曠百世如同僚
畫師晚出有深意況自昔日傳今朝屋梁落月見顏色

妙處不待窮摹描君不見袁安僵卧寒正驕王維乃作
雪裏之芭蕉

御定歷代題畫詩類卷三十八



總校官庶吉士臣侍

朝

校對官編修臣裴

謙

謄錄監生臣鄭

嶠

欽定四庫全書薈要

集部

御定歷代題畫詩類卷

三十九
四十

詳校官原任主事_臣李斯咏

欽定四庫全書薈要

御定歷代題畫詩類卷三十九目錄

故實類

題明皇按樂圖

宋鄭思肖

明皇按樂圖

宋劉克莊

明皇合曲圖

元元好問

題明皇按樂圖

元黃庚

明皇按樂圖

元王惲三首

明皇按樂圖 元虞集

題明皇按樂圖 元柳貫

明皇太真避暑按樂圖 元洪希文

明皇按樂圖 元楊維禎

唐玄宗按樂圖 元楊維禎

明皇按樂圖 元張雨

題明皇按樂圖 明張鳳翼四首

題明皇按舞圖 元虞集

明皇觀舞圖

明謝承舉

明皇臥吹簫圖

元宋无

唐明皇吹簫圖

元成廷珪二首

題唐明皇吹玉簫圖

明金湜

題明皇並簫圖

元劉銑

太真明皇並笛圖

元張憲

明皇並笛圖

明周用

題明皇並笛圖

明程煜

明皇擊梧桐圖

金馮璧

明皇擊敵

一作梧桐

按樂圖

元姚樞

擊梧桐圖

元袁桷

唐陳宏畫明皇擊梧桐圖

元吳師道

明皇擊梧桐圖

元李俊民

梁信羯鼓小圖

宋文同

梨園教曲圖

明張琦

霓裳圖

元吳師道

題明皇戲侏儒圖 元李祈

題明皇優戲圖 明劉崧

題明皇打球圖 宋晁說之

題明皇醉歸圖 宋陳傅良

明皇醉歸圖 元袁桶

明皇夜遊圖 宋程俱

明皇出遊圖 元虞集

題明皇出遊圖應制 元揭傒斯

明皇秉燭夜遊圖

明高啓

題明皇夜遊圖

明徐賁

明皇私語圖

元王惲二首

題明皇私語圖

元郝經

題明皇上馬圖

宋韓駒

題張郎中明皇小決圖

金段成己二首

明皇並轡圖

元宋元

明皇貴妃上馬圖

明張燦

明皇覽鏡妃子剪髮圖

宋劉子翬

題明皇貴妃對奕祿山傍觀圖

明楊基

明皇小車圖

明僧一初

唐明皇遊月宮圖

明蔣主孝

遊月宮圖

明陶安

明皇蜀道圖

宋李綱

明皇幸蜀圖

宋陸游

明皇幸蜀圖

明劉基二首

王摩詰畫明皇劍閣圖 金趙秉文

唐明皇幸驪山圖 元朱德潤

題火龍烹茶圖 明貝瓊

欽定四庫全書薈要卷一萬九千一百四十七集部

御定歷代題畫詩類卷三十九

故實類

題明皇按樂圖

宋 鄭思肖

誰舉鑾輿向蜀行
梨園弟子歇新聲
及知凝碧池頭事
難得樂工雷海青

明皇按樂圖

宋 劉克莊

鶯啼花開春晝遲
掖庭無事方遨嬉
廣平策免曲江去

十郎談笑居台司屏間無逸不復覩教雞能鬪馬能舞
戲呼寧哥吹玉笛催喚花奴打羯鼓南衙羣臣朝見疎
老伶巨璫前後趨阿瞞半醉倚玉座袖有曲譜無諫書
金盆皇孫真龍種浴罷六宮競圍擁惜哉傍有錦綉兒
蹴破咸秦跳河隴古來治亂本無常東封未了西幸忙
輦邊貴人亦何罪禍胎似在偃月堂今人不識前朝事
但見斷縑裝束異豈知當日亂離人說著開元總垂淚

明皇合曲圖

元
元好問

海棠一枝春一國燕燕鶯鶯作寒食千古萬古開元日
三郎搦管仰面吹天公大笑嗔不得寧王天人玉不如
番綽樂句不可無宮腰不按羽衣譜疾舞底用牧豬奴
風聲水聲悶清都夢中令人羨華胥何時却並宮牆聽
恨不將身作李謩

題明皇按樂圖

元黃庚

五鳳樓前沸管絃春宵花暖月娟娟纖腰舞到霓裳曲
驚起豬龍地上眠

明皇按樂圖 三首

元王惲

羽曲調音到克諧宮中花柳四時開五絃儘有南薰手
却喚花奴解穢來

興慶宮池水殿深帝心橫潰溺哇淫讓王友愛情何切
獨為君王辨八音

逸圖零落御前幘心醉華清按樂聲擊損碧梧緣底事
促教秋雨劒關行

明皇按樂圖

元虞集

新度霓裳曲三年教得成驚鴻渾不下飛燕若為輕巧
藥春亭暮芙蓉野水生梨園多白髮吹笛到天明

題明皇按樂圖

元 柳貫

開元天子樂當陽手按琵琶引鳳凰曲譜纔翻新玉笛
淚痕還滴舊香囊

明皇太真避暑按樂圖

元 洪希文

已剖冰盤金粟瓜旋調雪水試新茶宮娃未解君恩暖
尚引青罍汲井花

明皇按樂圖

元 楊維禎

沈香亭前花萼下天街一陣催花雨
海棠花妖睡初著喚醒一聲紅芍藥
金鑾供奉調清平梨園舊曲換新聲
阿環自吹范陽笛八姨獨操傷春情
君不見夜游重到明月府青鸞能歌
兔能舞五雲不障蚩尤旗回首煙中
萬輦鼓那知著底梧桐雨雨聲已入
淋鈴譜

唐玄宗按樂圖

元 楊維禎

大唐天子梨園師金湯重付軋犂兒
何人端坐閱樂籍

三萬纏頭不足支龜年檀板阿蠻舞花奴手中花如雨
鈞天供奉真上人上亦親過汝陽鼓玉奴檀槽倦無力
忽竊寧哥手中笛邊風吹入新貢簫銅池夜夢雙飛翼
閤門邊奏塞駐聰耳譜更訪明月宮漁陽一震萬竅聾
梨園弟子散如雨惟有舞馬傷春風

明皇按樂圖

元
張雨

髯伶識樂句我信曲有誤月白商聲多塵起漁陽戍

題明皇按樂圖

四首

明
張鳳翼

華萼樓頭弟與兄涼州一部試新聲不知舞象銜杯處
可似簫韶奏九成

桓譚且莫奏繁音唐帝元非漢帝心若在沉香亭上聽
應將羯鼓易瑤琴

軍中鼙鼓動漁陽四野桑麻作戰場獨有深宮慶生處
新聲猶奏荔枝香

勤政樓前奏樂章梨園歌舞雜笙簧歸來止有藍田磬
只合含酸付太常

題明皇按舞圖

元虞集

寢安食飽對青雲按舞調笙不厭頻西內歸來還獨看
梨園弟子白頭新

明皇觀舞圖

明謝承舉

勤政樓前午朝罷華萼樓頭西日下沉香亭畔梧已秋
淑碧池中蓮尚夏紫衣傳宣詔九宮宮中麗人脂粉紅
錦鴛彩鳳炫晴日嬌鶯乳燕隨春風御廚捧勅陳華宴
錯雜奇珍按時換繁來繁繁赤金盤捧出纖纖青玉案

分行判隊衆樂鳴琵琶箏策瑠瑤箏月支小麼解漢唱
越江妃子能秦聲何須三擊花奴鼓六律皆依板為主
玉環指下節奏明內中一人忙起舞軟鞦尖帽高麗裝
團花纏身金縷裳俏裁四幅裏腰窄寬兜兩袖拖肩長
大垂小垂輕復舉左挺右挺風旋起蛺蝶爭翻柳絮雲
蜻蜓亂點桃花水一縱再縱勢欲前東敬西敬態欲偏
香埃蹴步自掩冉日光踏影相蹁躑唐家三郎倚花坐
歡極諸姨盡稱賀漁陽鼙鼓動地來歌舞花間忽驚破

明皇卧吹簫圖

元 宋 无

珊瑚枕上玉簫橫一曲霓裳萬里行
漫道九重宮殿遠幾曾掩得外邊聲

唐明皇吹簫圖

二首

元 成廷珪

寢殿春深晝漏遲榻前侍女立多時
玉簫自按霓裳曲賜與梨園子弟吹

華萼樓前柳色新東風吹散馬嵬塵
錦囊五管俱零落誰是終南夢裏人

題唐明皇吹玉簫圖

明金湜

昭陽殿高晝長
珊瑚枕壓七寶牀
珍簾平鋪碧雲冷
珠簾半捲秋風涼
此時諫疏非無補
君王自喜教歌舞
舊曲翻成阿濫堆
別調新傳玉簫譜
玉簫一曲度薰風
宮商十指何玲瓏
碧沼游魚窺菡萏
丹霄彩鳳鳴梧桐
梨園子弟多白髮
承宣獨喜黃繡綽
手提玉版不停敲
足踏青蒲恣歡謔
雙雙粉黛誰家女
霓裳細拂蛟綃縷
斂袖低眉不動塵
似解鳴曲中語
從來聲色侈人心

人生樂極悲亦深豈料簫聲入雲去化作漁陽鼙鼓音

題明皇並簫圖

元 劉 詵

青鳥西來太液池霓裳舞影落瑤墀並吹玉管同心調
惟有姮娥月裏知

太真明皇並笛圖

元 張 憲

黑奴絃索花奴鼓譚奴撫掌閨奴舞阿環自品玉玲瓏
御手夷猶親按譜風生龍爪玉星香露濕櫻脣金縷長
莫倚花深人不見李暮側足傍宮牆

明皇並笛圖

明周用

燕婉其如父子情
忍將舊怨度新聲
蜀中此夜淋鈴曲
誰伴君王坐到明

題明皇並笛圖

明程煜

華清晏罷卷霓裳
重立東風並海棠
鳳琯莫吹新製曲
有人乘月倚宮牆

明皇擊梧桐圖

金馮璧

三郎耳譜趁花奴
風調才情信有餘
天寶錯來非一拍

霓裳中節亦區區

明皇擊敵

一作梧

按樂圖

元

姚樞

阿宣五季名畫師尤工粉墨含春姿君王游蕩墮聲色
不知聲色傾人國開元無逸致太平天寶奢風生五兵
偃月堂近幽薊遠潛謀不入芙蓉苑咸陽行色馬嵬塵
渲筆雖工恐未真四海蒼生半魚肉歸來豈為香囊哭
一日重開日月光黃金却鑄郭汾陽

擊梧圖

元

袁桷

萬樹梨園已失春秋聲
颯颯起沙塵
君王獨立梧桐下
不見當年疏諫人

唐陳宏畫明皇擊柷圖

元 吳師道

三郎半醉玉顏開
手戛青桐舞節催
老樹無情應解笑
曲成那得鳳凰來

明皇擊柷圖

元 李俊民

不使梨園弟子知
太平音在鳳凰枝
一朝野鹿銜花去
長恨秋風落葉時

梁信羯鼓小圖

宋文同

高梧間垂楊玉宇極清邃三郎當殿坐左右擁佳麗
璫瑜近香案蹲獸吐碧穗寶几承畫控繽紛交綵袂
花奴卷雙袖俛立前奏技君王顧之笑軒廡動和氣
誰謂一尺素寫遍天上意聽者定何如觀之猶解穢

梨園教曲圖

明張琦

梨花千樹雨初收上苑春風吹未休新製樂章音調
濕敕教依舊唱伊州

霓裳圖

元 吳師道

一曲霓裳衆樂催相傳親聽月宮來當時果有飛神術
末路因何厄馬嵬

題明皇戲侏儒圖

元 李 祈

太宗英風溢寰區指顧羣雄定海隅何事開元全盛日
却將勲業付侏儒

題明皇優戲圖

明 劉 崧

臂袒紅衫側阜冠翩躑跼舞樂初攢笛聲一片宮前起

應說秋風蜀道難

題明皇打毬圖

宋晁說之

閭闔千門萬戶開
三郎沉醉打球回
九齡已老韓休死
無復明朝諫疏來

題明皇醉歸圖

宋陳傅良

騎者兩人扶不正
夾道誰知為萬乘
一人前馳一顧後
懷欲並驅無號令
狩人亦忘記鷹犬
仰視只愁天欲暝
有司刺候上起居
杳莫得詳宮鑰靜
嗚呼開元自英主

前鑑竟遺盈幅紙君不見漢宮圖姐已未必當年甚如是

明皇醉歸圖

元
袁 桷

日暮球場醉欲歸停鞭更進紫霞杯老髯未省淋鈴曲
猶願君王款款回

明皇夜遊圖

宋
程 俱

燃膏飛控逐流光露溢金盤樂未央擬跨八龍窮轍迹
誰令一馬向銅梁

明皇出遊圖

元虞集

開元盛事何人畫
玉冠芙蓉御天馬
從官騎步各有持
移仗華清意閑暇
宮袍如錦照青春
詔許傳看思古人
不知身在瀛洲上
親奉圖書侍紫宸

題明皇出遊圖應制

元揭傒斯

明皇八駿爭馳道
還是開元是天寶
長安花發萬年枝
不識韶華醉中老
奎章閣下文章靜
衮衣高拱唐虞聖
莫言此畫徒爾為
千載君王作金鏡

明皇秉燭夜遊圖

明高啟

華萼樓頭日初墮紫衣催上宮門鎖大家今夕燕西園
高藝銀盤百枝火海棠欲睡不得成紅妝照見殊分明
滿庭紫燄作春霧不知有月空中行新譜霓裳試初按
內使頻呼燒燭換知更宮女報銅籤歌舞休催夜方半
共言醉飲終此宵明日且免羣臣朝只憂風露漸欲冷
妃子衣薄愁成嬌琵琶羯鼓相追續白日君心歡不足
此時何暇化光明去照逃亡小家屋姑蘇臺上長夜歌

江都宮裏飛螢多一般行樂未知極烽火忽至將如何
可憐蜀道歸來客南內淒涼頭盡白孤燈不照返魂人
梧桐夜雨秋蕭瑟

題明皇夜遊圖

明徐賁

華萼樓前煙漠漠君王睡重無人覺別宮漏點戀寒宵
閑却梨園太平樂雲龍十二秋扶搖青藜化作黃金橋
翡翠門屏桂枝影素娥羽帶香風飄優童共記霓裳舞
歸來換盡人間譜梧桐擊碎教妖環蜀山夢戰漁陽鼓

明皇私語圖 二首

元王惲

人老逢秋百感催
夜深私語自為媒
祇知海嶽情緣在
不道生離有馬嵬

盈盈一水隔雙星
不似行雲侍錦屏
歡樂幾時憂思集
碧梧秋雨待君聽

題明皇私語圖

元郝經

一旦妖姬屬亂兵
當時私語竟何成
祇應蜀道蒙塵日
悔不終宵問賈生

題明皇上馬圖

宋韓駒

翠華欲幸長生殿立馬樓前待貴妃尚覓君王一回顧
金鞍欲上故遲遲

題張郎中明皇小決圖

二首

金段成已

志在馳驅禍已胎笑顏況更為誰開貪爭飛鞚鞭騾去
不覺踰垣有鹿來

天寶承平事久無弄丸驢背自驅馳不期一笑宮中戲
傳作人間小決圖

明皇並轡圖

元
宋
无

三郎沉醉玉環隨不上金輿索馬騎老大獨歸南內裏
風流無復並鞍時

明皇貴妃上馬圖

明
張
燦

七寶裝鞍蜀錦堆黃門扶控踏紅埃君王只顧蛾眉笑
末路誰知到馬嵬

明皇覽鏡妃子剪髮圖

宋
劉子翬

不復青銅照瘁顏
老荒從諫若移山
只將女子論賢否

陶母當時亦剪髮

題明皇貴妃對弈祿山傍觀圖

明楊基

深院紋楸敵睡魔
玉環用意蹙雙蛾
只因數子藏機密
不覺三郎失著多
布陣似窺龍尾道
爭邊未至馬嵬坡
有人冷眼觀成敗
若個胡人似爛柯

明皇小車圖

明僧一初

宮門日出乳鴉啼
仙漏沉沉樹影低
朝罷千官無一事
車聲又過壽陽西

唐明皇遊月宮圖

明 蔣主孝

嫦娥不是人間客
月殿應非世上宮
當日君臣俱涉夢
漁陽特地起西風

遊月宮圖

明 陶安

桂影團團舞鳳皇
瓊樓宛在水中央
白虹橋背騰仙侶
玉兔毫端挹瑞光
但覺雲霄隨步武
不知風露濕衣裳
一場夢幻傷心處
策馬揚塵蜀道長

明皇蜀道圖

宋 李綱

君不見開元天寶同一主治亂相翻如手舉孽盈欲惡
雖一人變易安危原近輔姚宋已死九齡黜誰使楊釗
繼林甫宮中太真專寵私塞外番酋成跋扈禍胎養就
不自知漫向華清遺匕筯漁陽突騎破潼關百二山河
震金鼓翠華杳杳幸西南赤縣紛紛同患苦傷心坡下
失紅顏墮淚鈴中聞夜雨山青江碧蜀道難棧閣連空
儂相拄旌旗慘淡雲物愁林木陰森猿鳥侶戎裝宮女
亦善騎皓齒明眸如笑語老髯奚官驅蹇驢負橐齎糧

豈供御九重徽衛復誰勤萬里艱危真自取至尊狼狽
尚如此歎息蒼生困豺虎千秋萬歲不勝悲玉輦金輿
盡黃土空令畫手思入神一寫丹青戒今古

明皇幸蜀圖

宋陸游

天寶政事何披猖使典相國捐忠良弄權楊李不足怪
阿瞞手自裂紀綱八姨富貴尚有理何至詔書褒五郎
盧龍賊騎已洶洶丹鳳神語猶琅琅人知大勢如累卵
天稔奇禍如崩牆臺省諸公獨耐事歌詠功德卑虞唐

一朝殺氣橫天末，足馬西奔幾不脫。
向來諂子知幾人，賊前稱臣草間活。
劍南萬里望秦天，行殿春寒聞杜鵑。
老臣九齡不可作，魚蠹蛛絲金鑑篇。

明皇幸蜀圖

二首

明
劉基

斜陽慘淡照霓旌，石棧縈紆僕馬羸。
想得林間子規鳥，斷崖青壁亦相隨。

裂帛聲中發禍機，白華歌斷草霏霏。
可憐蜀道三軍恨，不記他年武惠妃。

王摩詰畫明皇劍閣圖

金趙秉文

劍閣森危隔錦官雲間棧路細盤盤天回日馭長安遠
雨滴鈴聲蜀道難當日六軍同駐馬他時萬國獨回鑾
傷心凝碧池頭句有底工夫作畫看

唐明皇幸驪山圖

元朱德潤

驪山西北高萬乘東南至霓旌蒼翠中閣道丹青裏憶
昔上林遊春寒多並轡羯鼓召花奴黃門吹力士霓裳
曲未終驚動漁陽騎

題火龍烹茶圖

明
貝瓊

松聲一作秋濤雄銅龍吐火鱗甲紅黃衣中使備玉食
泉出金沙甘露濃春風一旗色尚活建溪山人雨前掇
蓬萊殿裏沃焦餘玉椀分沾侍臣渴名花喚起海棠魂
細葉未數丁香根宮中一日歌舞散世上千秋圖畫存
開元盛事何人省書生亦解誇雙井空山埽葉燒破鐺
閉門讀書秋夜永

御定歷代題畫詩類卷三十九